

TOUCHER

CENTURION ROLBALKLUB

CENTURION BOWLS CLUB

(www.centurion.bowls-club.co.za)

NUUSBRIEF / NEWS LETTER

MAART / MARCH 2021

Die lewe het onomkeerbaar verander en ons moet aanpas of onself langs die pad verloor.

Wat nie verander het nie is die seisoene. Herfs het al sy kleure begin wys en maak ons rustiger. Dis ook die bymekaar hark van hopies herinneringe. Dis God se stem in die natuur wat vir ons sê: Ek is altyd daar en altyd dieselfde met baie genade. Glo en vertrou net.

Lewe met oorgawe, raak betrokke en gee om.



FONDSINSAMELING: 1 Mei 2021.

Begin vroegtydig om borge te nader vir 'n donasie en stel jou gemengde 4-span saam om die dag in gesellige samesyn te geniet. Die koste per 4-span is R480.

Dankie aan King Prize wat een van die groot borge vir die dag sal wees.

Ons soek nog baie pryse. Onthou wanneer jy 'n borg nader vir 'n prys, dat, indien dit nie in kontant is nie, daar vier spelers in 'n span is!

You will find wisdom at the intersection of truth and love.

Die liga het al begin en ons wens al die spanne net die beste toe.

Skippers neem verantwoordelikheid en maak seker jou span weet waar en wanneer julle speel en tref betyds vervoer reëlings

Die **klubwedstryde** is ook in volle swang. As jy ingeskryf het, lees asseblief julle WhattsApp boodskappe vanaf die kompetisie sekretarissee.

Wedstryde afgehandel:

Mans Gekose pare: Wenner: Johan Meaker en Herman du Plessis.

Naas Wenner: Piet Schutte en Gerrit Kamper.

DIE TWILIGHT PAIRS word in gemoedelike gees gespeel en terdeë geniet deur almal.



Baie dankie aan Anette en haar helpers wat elke aand sorg vir iets lekkers te ete na spel. Duo jy kan **Voorslag Braaier** ook by jou CV voeg!

'n Vriendlike versoek aan almal wat aan hierdie wonderlike toernooi deelneem. Plaas asb die bord, (nadat dit skoongemaak is), die mat, wit bal en pen op die waentjie wat Ted vir ons gemaak het. Vol waentjies moet asb in die klubhuis gestoor word. So ook moet harke op hul plek gebêre word asseblief.

PERKE NUUS

Dankie aan die lede wat die mat se lengte wissel.

Die rede hiervoor is dat van ons matte van rubber is en dit word baie warm in die son en doen skade aan die gras. Hanteer ons nuwe matte asseblief met sorg.

Lede wat gedurende die week oefen moet asseblief vanaf Maandag tot Vrydag eers na 13h00 begin. Daar moet asseblief net op die A-baan, en op die B- baan geoefen word. Nie gelyktydig op albei nie.



As gevolg van die **bane** wat net tot Donderdag gesny word, is gevind dat die Centurion bane swaarder speel teenoor ander klubs se bane.

Op versoek van die lede word die bane nou ook op Saterdag gesny, aangesien wedstryde en liga Saterdag gespeel word. Vir hierdie voorreg word daar van die lede, wie op Saterdag speel, 'n vrywillige bydrae van tussen R10 en R20 gevra om die snyer te vergoed.

Baie dankie ook aan almal wat spontaan geldelike bydraes gemaak het vir die ekstra onkoste van die bane se onderhoud. Elke bietjie help. Terwyl ons nou by die onderwerp is. Ons sukkel om die maandelikse finansiële verpligtinge na te kom. 'n Vriendelike versoek aan die lede wie se ledegeld nog nie betaal is nie om dit asb so spoedig moontlik te betaal.



BAIE DANKIE

'n Reuse dankie aan **Kobus** en sy span vir rollergrassnyers. Ons waardeer hulp van buite gekry om die spoed almal se moeite en insette en vertou is verseker die hart van 'n klub en die as waarom alles draai.



helpers wie nou almal bestuurslisensies het julle tyd en harde werk. Daar is kundige van ons bane vinniger te kry. Ons waardeer dat dit gou na wense sal rol want die bane

Baie dankie ook aan Ernst en Gerrit wat al 'n paar keer ingestaan het om die grassnyer te herstel, Dankie ook aan Gert Mieliemeel wie vir ons die paaltjies so mooi geverf het. Groot dankie ook aan Ted vir die maak van die nuwe telborde. Dis goed om te sien dat daar 'n gees van trots en welwillendheid onder die lede is.

Baie dankie Duo vir al die kere wat jy die hek herstel het en vir die vlagpaal wat jy "geplant" het. Ons waardeer al daardie ekstra wat jy doen.



Baie dankie ook aan Anette en Annie vir die reuse taak wat hulle gehad het om die gordyne te was en almal wat agter die skerm gehelp het om die klubhuis skoon en netjies te hou.

OEFENING vind plaas elke Woensdagmiddag vanaf 15:00. John sal by die bane wees om te help indien jy hulp nodig het.

A player, when they walk off the mat, must stand to the right of the mat so as not to interfere with the player collecting a bowl to play. This is particularly necessary in the Covid time.

John Ralph

ONS WEBWERF

Besoek dit gerus by: centurion@bowls-club.co.za en ook by: <https://centurionrolbalklub.shutterfly.com>. Vir interessante nuusbrokkies en gebeure,

Moenie jou talente begrawe en verwag dat dit sal groei nie.

LIEF & LEED

Piet van der Merwe het sodanig herstel dat hy al kom rol het. Baie welkom terug Piet ons is dankbaar om jou weer op die baan te sien.

Marie Strydom, Martie, Magriet, Danny, Albie en Eric is nog op die krukkelys. Beterskap en sterkte vir julle.

Beterskap ook aan Anita wat herstel na 'n lensvervanging in haar oë

"Try to be a rainbow in someone else's cloud."

DRANKPRYSE is effe op want die minister van finansies het sy sê gesê maar die manne is dit eens: Dit bly nog steeds 'n winskoop!!!

VERJAARSDAE IN MAART

Baie geluk en mag die jaar vol seëninge en goeie rolbal wees.

- 1 Judy Ralph
- 1 Joan Churh
- 7 Amanda de Villiers
- 8 Linda Kleingeld
- 10 Bosman Olivier
- 12 Martie Wepener
- 21 Louise Graham
- 28 Albie Venter

Anything that cost you your peace is too expensive.

VERJAARSDAE IN APRIL.

Hartlik geluk en 'n jaar vol seën en Sy vrede aan almal.

- 2 Ben Bonthuyzen
- 2 Herman Du Plessis
- 4 Elize du Plessis
- 6 Eric Oosthuizen
- 10 Hendrina Haupt
- 14 Robina Anderson
- 17 Thea Opperman
- 18 Willem v Zyl
- 21 Hannes Botha
- 23 Elsabe Heyns
- 26 Hans Greyling

- 29 Matie Stander
30 Marie Strydom

The wise does at once what the fool does at last.

Diensrooster vir Maart en April 2021

Pligte vir mans sluit in die volgende: Uitsit van bane, hys van vlag en uitplaas van water (spelers moet eie glase voorsien). Bane word op Dinsdae en Donderdae in die oggende en Saterdag namiddag uitgesit. Indien jy op 'n spesifieke dag nie jou diensbeurt kan nakom nie is dit JOU verantwoordelikheid om uit te ruil of iemand in jou plek te kry.

As gevolg van Covid-19 protokol word die dames ook betrek om behulpsaam te wees. Een dame by die ingang word benodig om almal se temperatuur te meet, ens terwyl 'n tweede dame die skyfies sal hanteer. Sameroepers moet asb onderling reël.

Maart 2021

Sameroeper Mans: Brian Kleingeld 082 868 3529

- Wally Smith
- Lourens Olivier
- Herklaas Meyer

Sameroeper Dames: Linda Kleingeld 072 916 3617

- Ina Malan
- Magriet Rabie
- Isa Theron

April 2021

Sameroeper Mans: Gerrit Kamper 073 171 5630

- Kas Landman
- Flip Mattheus
- Mike Heyns

Sameroeper Dames: Tillie Kamper 083 257 8768

- Annie Marais
- Corey Marais
- Elsabe Heyns

Gedurende BGN wedstryde is daar altyd voorbereiding wat gedoen moet word op die dag van spel en dienste wat gelewer moet word. Baie dankie aan almal wat hulle dag opoffer en die leisels so mooi vashou. Ons waardeer julle insette.

A person who is appreciated will always do more than what is expected.

Tiffany Evans.

VAN WAAR GEHASI?

JOHAN LAMPRECHT



Gebore 1940 in Bloemfontein en word groot te Oudtshoorn. Matrikuleer in 1957 aan Grey kollege in Bloemfontein en studeer aan UOVS en behaal die graad B.Sc. in 1961 met chemie en geologie as hoofvakke. Verwerf B.Sc. honneurs (chemie) in 1963.

Hou skool by Grey Kollege in Bloemfontein en is daarna 'n lektor in chemie by die Witwatersrand se Technikon tot 1969. Verwerf ook nou 'n onderwys graad en B Juris graad by UNISA in 1972.

Sluit in 1969 by die patentprokureursfirma D M Kich aan (Die firma is in 1894 gestig.)

In 1975 slaag hy die eksamens van die SA Instituut van Patentprokureurs asook die van prokureurstoelating en word 'n vennoot van die firma tot aftrede in 2007. Is voorsitter van die firma vanaf 1997 tot 1999.

Word lid van die SA Akademie van Kuns en Wetenskap se chemie afdeling asook lid van die Chemiese Instituut van SA.

Dien vir 6jr in die uitvoerende komitee van die Prokureursvereniging, die laaste twee jaar as ondervoorsitter. Dien 4 jaar in die Raad van die Transvaalse Prokureursorde.

Dien ook as bestuurslid van die Licensing Executive Society van SA vir 8 jr en as President daarvan vir 2 jaar. Die vereniging is 'n lid van die Internasionale Licensing Executive Society wat op daardie stadium nagenoeg 10 000 lede wêreldwyd gehad het en in 15 lande werksaam was. Hulle het hulle AJV elke jaar in 'n verskillende land gehou en het die meeste daarvan bygewoon as SA verteenwoordiger waar hy dan dikwels lesings oor die veld aan 'n groot groep multikulturele persone moes lewer.

Plaaslik het hy as patentprokureur in die chemiese veld gewerk vir instansies soos SASOL, Denel, verskeie Universiteite, die WNNR en van die groot Internasionale chemiese maatskappye, bv. Hoechst, Merck en Ciba Geigie.

Behalwe om by hul tegnologie betrokke te raak, het hy hulle ook in verskeie sake in die hof van die kommissaris van Patente verteenwoordig.

Interessante meganiiese uitvindings waarmee hy te doen gekry het was die Kreepy Crawly, die ontwikkeling van die eerste plastieksakke waarop drukwek gedoen kan word, die reëlmatige buig van staalplate (IBR) ens. Vir laasgenoemde was hy betrokke in die onderhandeling van lisensies in 'n groot aantal oorsese lande onder andere die VSA en Kanada. Ander interessante SA uitvindings waarby hy indirek betrokke was, is bv die Dolosse, Pratley gomme wat selfs in die VSA se maanlandingstoerusting gebruik is en vele ander.

Hy was ook betrokke by die hantering en registrasie van planttelersregte.

Hy het ook op sy dag eerste liga tennis en krieket gespeel asook golf, wat hy baie geniet het, maar waarmee hy nie baie suksesvol was nie.

In 1968 sluit hy by Swartkop Buiteklub aan as golfspeler en in 1994, na 'n heupvervanging, by die rolbalafdeling. Hy dien vir bykans 8 jaar op die bestuur van Swartkop se rolbalafdeling, 2 jaar daarvan as president. As speler was hy redelik suksesvol, veral in die beginjare en het Swartkop by 'n hele aantal BGN en SA toernooie verteenwoordig. Hy sluit by Centurion Rolbalklub aan as lid met die sluiting van Swarkop se bane.

Sy oorlede vrou Susan, wat ook 'n kranige rolbalspeler was, is in 2014 oorlede en drie seuns is uit hierdie huwelik gebore. Hy is die trotse oupa van 7 kleinkinders

In 2016 is hy met Priscilla, wie se rolbalvermoeëns aan julle bekend is, getroud. Alhoewel hy tans sukkel met sy gesondheid geniet hy en Priscilla hul lidmaatskap by Centurion Rolbal geweldig baie, veral die aangename gees wat onder die lede heers.



My herinnering sluit my in soos die dag en die nag. Niks wat ek ervaar het, kan ek verontagsaam nie. Ek is wat ek dink. Ek is wat ek hoop. Ek is wat ek onthou.
Audrey Blignault.

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123